

畿輔通志卷十

帝制紀十

宸章三

高宗純皇帝御製詩

二月朔日初遊潭柘岫雲寺作

西山兩名寺潭柘與香山香山信已佳騶御曾往還春仲月之朔
言從易水旋岫雲與我語爲我闢雲關嚮導告前期卻借便道緣
輕輿展春露前旌破曉煙屈折千迴蹊微露一線天榛莽嵌絕壁
登陟勞援攀約行二十里乃至盧家灘川原漸開豁梯山種春田
茅屋凡數家槎枒古樹攢驅車厯石磴巖岌互鈎連聞有泠泠聲
不見淙石泉古柏翠蒙絡時有枯藤纏遠峯綴叢枝那辨楓杉槩
披躋厯萬景精藍出雲間風幡演妙偈空樂諸天傳旋禮滿月相

使我塵慮蠲潭底老龍睡有泉墜淥然忽欲呼起之使雨東西阡
其柘亦已枯橫陳廡西偏萬木何非柘孫枝輻曲卷闔黎語荒唐
頗熟公案禪對客稱古蹟木几高架磚云有元公主禮佛足所穿
佛幾曾度彼與我何有焉稍坐白板閣衆美一覽全堪巖莫遯隱
坻嶼相鬱盤迴尋舊來路似在圖中看曠懷旣佚蕩樂志都忘筌
昨夏憩來青來青閣香山寺中精舍也不作彈指觀

白雲觀

清都閱歲年咫尺鳳城西舊蹟傳日下愧我未留題西巡返翠華
陽月迎朝曦迤邐阜成門紫府路左陞詎爲遊仙來聊因便道宜
延緣步石闕揭要雕橫楣雲章鳳篆間將謂多神奇圓圓圖太極
鼻祖自濂溪七眞殿實古聯語出張芝殿內孫岳頤字甚有筆法如何舍孔孟
而云交坎離淨室最幽閒墨胎坐處機設云藉是傳非得乃失之

木鉢誠臃腫

室內真人鉢可容粟一石相傳通密自塞外攜至者似有妙偈垂其後峙塗閣

拾級登雲梯

帝載無不通何況儼在茲瞻禮祈有年所願恆如斯

今歲直隸秋成豐稔實數年以

來所僅見者

徘徊撫庭植松柏擎虬枝約略考建置細睇無年碑觀內有正

統正德重建碑文一碑無年號而所記處順堂事為最古云

兩朝垂寶翰

觀內復有

聖祖賜匾最多世宗御書福字

煥若雲霞披懿此長春宮

佳勝孰與齊含毫紀初歷風日洵恬熙廣成世間少訪道且遲遲

過通州

青郊和以暄風物近清明不禁霜露思駕言東上

陵前旌度潞川後旅背鳳城予昔青宮時此路頻長征

雍正年間屢經奉

命恭祭

景陵憶彼慈雲壁

慈雲寺在通州西十里

幾度題句曾林垆故好在髭

鬚非後生沿隄柳已黃出攏麥未青望雪繼望雨東畝遲力耕教

養雖並要富庶之未能經歷始知艱所志嗟何成

三河縣

近山風轉嚴當秋樹如綺策渡過三河馬足怯寒水秉穗堆圃場
老幼趁墟市稍免凍與饑憂餘亦生喜尋思赤縣廣安得皆似此
再題盤谷寺

盤谷無定名太行亦有之是處兩山環不知名者誰我來正清秋
高樹丹黃姿間以蒼厓松尤比春林奇石磴溜鳴泉峭嶠雲四垂
佳景面面殊圖畫行行披依山關新逕掃苔看古碑塵心一以洒
不覺歸轡遲

石門驛

午過石門驛秋風吹廣陌廣陌正西成場圃地無隙與與帶秉禾
青青盈隴麥最喜秋雨足綠野含渥澤老幼無菜色倉箱頗有積

四顧生歡心青驄不須策路旁一農父倚杖愁默默豈伊憂喜殊
其言鄙而得前年夏無收所種供蝨賊去歲薄有穫僅供半冬食
今秋倍去歲銍刈殊費力租吏下鄉來款接完賦額吏去業主至
逋欠坐求責吾農三時勞曾無一日適我聞淒然悲執政無良畫
井田與均田制頗垂簡冊行之時勢異得寸還失尺罔民焉可爲
恆產究安則翁其善保軀展轉增嘆息

石門店示直隸總督那蘇圖並隨駕地方官

負山以爲郭環之清淺流田家無背勢取次成村陬東隣復西舍
豆架更瓜疇工圃飽於茹學稼斲有收是時諸務上長社椎肥牛
築場地鮮隙比戶人無愁莫知苗碩輩亦道今逢秋熙熙胥樂康
歷覽豁雙眸吁此石門店往者數經由黃塵暗遠天春旱鎖眉頭
白水積低田秋霖切已憂此景曾幾見額感大造庥隨行封疆臣

給事千石傳來來聽余言繫予有後謀耕九而餘三屢豐毋或偷
既富曰教之吾聞諸前修催科幸未加今歲普免直隸正賦休養尙應籌否
泰况循環持盈可懈不與我共此者舍汝其誰求後樂縱不無先
憂豈有休

懷柔縣東

金風拂曉鞍颯爽清秋美御路淨輕塵銅鉦挂林裏村墟看錯落
叮嚀經迤邐原隰棲嘉苗恆秬秠糜芑如雲綠與與飲路白靡靡
大熟縱未能不歉斯可擬迴思半載愁望霖心如是卽復駕田車
關情殊未已幸荷造物仁景光異百里侍臣有進詞二謫堪期指
截長補其短無慮呼庚癸吁嗟此何言解免聊復爾一夫二畝田
終歲計在此雨耕而日耘手足誠勞只所賴薄有收庶免溝壑死
從來祈歲心詎恃河東徙憂者共彼憂喜者同茲喜憂喜相繆縈

是卽我所以

過順義縣見春耕者

驅車度薊州舉目瞻晶陽東郊舉趾者犁翻塊壤黃佈種慮愆期
望雨予心忙是夕宿山寺

桃花寺行宮離薊州二十餘里

微雲掩月匡霏霏作密

雪鋪地二寸強京畿曾否霑中夜頻思量馬蘭迴法駕靜寄臨山
莊縱云耽習靜民事卹可忘田盤待曉發更獲喜異常入夜復連
朝時雨垂天漿今朝過順義耕作紛相望脈起土含膏沃若麥抽
芒誰知往返間憂喜恰相當自慰還自戒三春日正長

懷柔縣東疊舊作韻

古縣枕平臯襟帶山河美往來幾度間總在高秋裏柳陰罨翠涼
蘭陝循迤邐近隴復遐町維廩亦維芑夾挹金風吹潤宜玉露靡
西成指日臨倉箱庶可擬憶我前歲秋取道亦於是長途閱歉收

日夕愁無已此地稱較可周遭祇數里今年實厚慶美不勝屈指
豈其考農經邀豐符祭癸都緣造物仁綏屢幸致爾教養有相因
切切念以此盈虛遞轉運慄慄更憂只九穗亞莖生白雀食蝗死
德感我未能惟勵志不徙來來守牧臣莫道豐年喜餘三有後謀
我爾其曷以

密雲行宮晚坐

繞砌霏繁英捎檐蔭喬木景物會清秋好供一駐宿螢明今夜牕
簾捲昔年屋灑然片刻閒書史隨意讀

玉泉山秋望

葉落邨樹稀山瘦秋容老偶來步巖磴霜跡羊腸繞黃勻莎草坡
丹襯楓林杪是時西成畢田家獲萬寶卻見場圃間比櫛誠美好
稍喜衣食足猶慮追呼擾先憂後樂心未許侍臣曉

永定河云有故道由中亭玉帶以達津歸海總督孫嘉淦建
議疏復及時興作覽奏水已循軌民情歡躍爰成一律

永定原無定千年衛帝京有源安可障無事自然行玉帶清流合
中亭故道并祇台恆自凜宵旰望平成

彈琴峽

在昌平州北居庸關水流石罅響若調琴故名

大地作琴聲迦葉亦如是

叶

何待紫桑翁掛壁始寓意此峽曰彈

琴誰與標名字岩谷夔而幽石泉清且泌野菊小於錢十三星點
綴動摻四山響萬籟紛丹翠鍾期未賞識成連應走避一洗箏琶
耳妙契煙霞思

經居庸關

雁塞返龍旌魚關度鳥道芙蓉紫霧沈睥睨清秋曉重巖虎豹猙
萬壑琴筑繞寄踪儼壺中回首驚雲表棲崖眄堽垣迹資探討

天意實難諶地險安能保

湯山行宮作

神區面平楚繡屏背雄嶂迴蹕駐離宮行旌辭武帳塞葉已蕭條
苑叢猶張去聲王新刈晚畦香曲注溫波放題句憶去年雲林故無
恙

次良鄉

廣陌催征騎遙天飛玉屑潤同大地春望入雙瞳潔宇空山勢近
倏忽陰晴別咏雪興漫豪省歲心猶切三冬待澤久未敢遽怡悅
拒馬河

蘆荻莽孤煙鷗鳬集寒渚竹箭退秋深沙痕露遠嶼舟師底用呼
浮橋舒燕羽俯瞰激湍波仰頽空澄宇橋上往來人秋懷夫幾許
阜平縣

朝過阜平縣霜華散輕寒宴溫朱鳥暉依微墟里煙一老跼道左
皤皤實可憐將欲賜之金匍匐前致言謂駕由此過首被

皇恩旋豈敢重受賜不知止足焉吁此迎鑾人奚啻萬與千得隴還

望蜀尙且增其年

朕下詔賞賚老民視年之大小以別賞之輕重故多增其年歲以邀厚賜其云百歲及九十者

率皆七八十歲之人然亦不與之較也

等差甯過優誰惜此茆茆是老獨異恆可謂

耆而賢十室有忠信吾聞諸文宣亟命重賞之教汝曾與元淳風
在閭閻對此一忻然

阜平縣恭依

皇祖元韻

秋老染紅梨霜穉餘綠杞郭郭仍古郡嶽崎倚峻址停轡驗民風
淳樸喜不俚頗知習詩書亦復勤耕耔當時苦井稅灌田乏活水
皇祖詔寬輸勤民恤勞止逮此六十年疲俗日以起西巡際時和前

車驅記里翹首仰

前猷何能繼休美黔黎愛戴同彌切慙與喜深荷

祖澤貽瘠土成城市朝夕勉惕乾願思保泰理

蓮池書院

西巡近翠罕東道駐樊輿蓮池舊名蹟停轡覽斯須閒齋十笏強
小園五畝餘建插引盧水滙爲明鏡湖俯欄有遊鱗護波來飛鳧
不謂城市中而與林泉俱吟咏息冠蓋絃誦聚生徒必有取義耳
詎惟玩物乎茂叔標淨植所愛寄芙蕖晦翁創白鹿覺牖垂芳模
瞻彼萬卷樓在府治內元賈輔建延郝經居之守此一經鋤一經苟或通萬卷理
不殊曷哉佔畢流學爲君子儒

閱滹沱河隄工

徒駭舊津谷其流無定所源出大巖山

在山西
解州縣

經此達直沽頻年

漸北徙行恐侵村墅會允方伯請建隄資捍禦

乾隆九年允高斌奏建魚鱗隄並挑

水壩臺懷返六轡便道戾茲土混流迤郊南延緣勢一觀菱葑績崇

崇魚鱗排齟齬防險常若斯何慮波臣鼓更喜沙痕漲俯視成洲

渚禹行縱未能潘治不無補

明潘季馴治河最善高斌常敬服之

蒼煙淡靄間極目

稍延仁波寒魚在潛荻老鴻辭激策鞭可亂流無待冰合浦誰能

麥飯亭眞僞勞稽古

光武渡河蓋在深澤饒陽間唐宋以來凡渡滹沱者無不舉光武事此處亦有麥飯亭蓋

附會所幸奏底績萬戶慶甯處耳

閱永定河隄因示直隸總督方觀承

水由地中行行其所無事要以禹爲師禹貢無隄字後世乃反諸
祇惟隄是貴無隄免衝決有隄勞防備若禹豈不易今古實異勢
上古田廬稀不與水爭利今則尺寸爭安得如許地爲隄已末策
中又有等次上者禦其漲歸漕則不治下者卑加高隄高河亦至

譬之築寬牆於上置溝渠行險以徼幸幾何其不潰胡不籌疏濬
功半費不貲因之曰遷延愈久愈難試兩日閱永定大率病在是
無已相咨詢爲補偏救弊下口略更移取其趨下易培厚或可爲
加高汝切忌多爲減水壩亦可殺漲異取土於河心卽寓疏淤義
河中有居民究非久長計相安姑弗論宜禁新添寄條理爾其獲
大端吾略示桑乾豈巨流束手煩計議隱隱聞南河與此無二致
未臨先懷憂永言識吾意

閱永定河

永定本無定竹箭激濁湍長源來塞外兩山東其間挾沙下且駛
不致爲災患一過蘆溝橋平行漸就寬散漫任所流停沙每成山
其流復他徙自古稱桑乾所以疏剔方不見紀冬官一水麥雖稱
亦時災大田因之創築隄聖人哀民艱行水屬之淀蕩漾歸清川

其初非不佳無奈歷多年河底日以高隄牆日以穿無已改下流
至今凡三遷前歲所遷口復歎門限然大吏請予視蒿目徒憂煎
我無禹之能況禹未治旃詎云其可再不過爲補偏下口依汝移
目下庶且延復古事更張尋思有所難

聞永定河隄有泛溢處詩以誌懷

永定古桑乾蕩漾延數縣雖獲一麥收難免三伏漫制隄以束之
其初頗循岸無何淤漸高泛溢乃頻見下口凡屢更揚沸豈長算
今夏雨略多盈壑致旁灌或云聽其然功倍於事半試看無隄初
何無衝決患近是究難從哀哉彼饑洊

閱隄

武列石城東其流本無定所喜來源微遇霖方漲盛漲時勢頗浩
過雨亦旋罄山莊聚閭閻數已十萬賸築隄爲保障期以安兆姓

隄根或致囓脩整隨時應不過此補苴計欲求永亘相去聲勢剗沙

觜導流俾弗競庶免激石怒用順赴壑性然斯實小試事半功倍

剩畿南謂永定河及淮北謂黃河慙乏善治平政聲

閱隄

閭閻日以滋未免多占地山水況無定漲來卒難制是宜先預防
庶可保無事一勞永逸艱惟補偏救弊去年概已示今歲工方備
乘間策馬看亦日堅牢致斯之未能信益勵安民思

閱隄

深居我所厭引見待月例

邇年五月卽駐山莊因令五六七等月文武月選官每月派吏兵兩部堂官一

人帶至熱河引見俾速赴任行在旣得一體掄材而各員亦不致久濡旅食最爲兩便今歲啟鑾較遲五月月選官卽令預期掣籤在京引見是以今年六月在山莊較每年更聞安逸素非所喜因策馬閱隄聊以遣暇縱日有疇咨二三惟

大吏策馬率侍臣隄工出閱視

叶塞外本無定而亦無大害叶碎

石與條石相

去聲

形各安置既以固城垣還因安市肆邇年恆鞏晏

未嘗非小試河隄及海塘之二實大事每當秋夏臨南望頻縈思
卻終乏善策補偏而救弊更要在得人其難得人寄

閱滹沱河隄工

并序

滹沱河本無隄以其流漸逼城高斌總督時奏建葑壩禦水非
如永定兩岸長隄束之行也十一年閱視時有兜灣吸流處略
經指示建壩挑水今已淤沙可耕而河流遂向南徙矣兵民建
坊頌德夫河流無定南北亦其常耳固安亦吾民今夏隄乃潰
決豈朕厚於此而薄於彼耶既以成詩並示直隸諸大吏

前歲視滹沱近隄虞侵城今歲視滹沱隄腳淤沙平臨流施網處
秋麥芄新耕復見好消息中泓向南經北隄免衝齧萬戶慶居甯
建坊舊駐所感德由至誠維予自忖度轉覺愧慙生一時偶指示